

ლიტერატურათმცოდნეობითი პარადიგმები

დალი ბერძოლობი

სიმგარულის გააზრებისათვის ალექსანდრე ჭავბეგის
კოზიაში
(„წერილი“, „მნელია“, „შენ, შემოქმედო“)

ქართული მწერლობის განვითარებაში ალექსანდრე ყაზბეგმა მნიშვნელოვანი წვლილი შეიტანა არა მარტო პროზით, არამედ პოეზიითაც, რომლის თითოეულ ნიმუშშიც ასევე ჩააქსოვა ის ვნებათა ღელვა, სიყვარული – ღვთიური თუ ადამიანური, ტკივილი თუ მწუხარება, რაც აწუხებდა შემოქმედს, საკუთარი ვნებათა ღელვა ზოგადად გარდაქმნა და ისე მიაწოდა მკითხველს, ყოველგვარ სატკივარს სიღრმისეულად სწვდება და მწერლის მიერ მხატვრული სიტყვის ძალით გარდაქმნილი ახლობელი ხდება ნებისმიერი ადამიანისათვის.

ალექსანდრე ყაზბეგის პოეზიაში წარმოჩნილია ღმერთის, მოყვასის და სამშობლოს სიყვარული, რაც, ამავე დროს, დიდ შემოქმედებით წვას მოითხოვს მწერლისაგან; მისი პიროვნების შინაგან სამყაროში მოქცეული გრძნობა შეტად იტვირთება, როგორც ხელოვანის გონებაში გატარებული, რის გამოც იგი მთელი განცდით გამოიხატება მის პოეზიაში. უნდა ითქვას, რომ ალექსანდრე ყაზბეგს, როგორც ტრაგიკულ პიროვნებას, მის პოეზიაში არსებული სათქმელიც ტრაგიკული ელფერითაა ნასაზრდოები.

სანამ უშუალოდ ჩვენ საკვლევ საკითხე გადავიდოდეთ, საჭიროდ მიმაჩნია დავიმოწმოთ ზოგიერთი მკვლევარის თვალსაზრისი ალექსანდრე ყაზბეგის პიროვნებისა და მისი შემოქმედების შესახებ, თუ როგორ აფასებენ მის ღვაწლს: „ალექსანდრე ყაზბეგი ქართულ ლიტერატურაში ცნობილია, როგორც ერთ-ერთი ტრაგიკული პიროვნება, რომელიც ცხოვრების ხანმოკლე მანძილზე (დაბ. 1848 წლის იანვარში, გარდაიცვალა 1893 წელს) პირად ტრაგედიებს არ იყო მოკლებული... მას თანამედროვენი (მისი ერთ-ერთი ლიტერატურული მეგობარი იყო სერგეი მესხი) გვიხატავენ ნააღრევად დაბერებულ, დაღვრემილ, უკურნებელი სენით დაავადებულ ადამიანად... ის

თვითონ ეთიშება იმ საზოგადოებას, რომელიც მას გაურბის“ (ქიქოძე, 1958: 199).

როგორც გ. ქიქოძე აღნიშნავს, „ალექსანდრე ყაზბეგს, როგორც პოეტური ბუნების ადამიანს, ალბათ, გადაჭარბებულად მგრძნობიარე გარეგანი პქონდა, რომ მისი დიდი გული ვერ ეტეოდა მის აგადმყოფურად ჩავარდნილ მკერდს ქვეშ, რომ მოსკოვში უწესრიგოდ გატარებულმა ცხოვრებამ და ობილისში ხუთი წლის შემოქმედებითმა წვამ გამანადგურებელი გავლენა იქონია მის სუსტ ჯანმრთელობაზე. აუცილებლად საჭიროა იმ საზოგადოებრივი და ზნეობრივი ატმოსფეროს გახსენებაც, რომელშიც მოუხდა ცხოვრება ქართველ ბელებრისტს“ (ქიქოძე, 1958: 199-200).

ვ. კოტეტიშვილის აზრით: „მე-19 საუკუნის ქართულმა პოეზიამ მიაგნო ორ მწვერვალს, რომელიც უცხოდ სდგანან საერთო ლიტერატურის სიკრცეზე... ის სიმაღლეები კი, რომელზეც მათ აიყვანეს ქართული სიტყვა და პოეტური გზება, დარჩებიან როგორც ქართული სულის გამძლეობის და სიდიდის ნიშნები... მსოფლიო ლიტერატურაში ვაჟა და ყაზბეგი განმარტოებით არიან, და მათთანვე არის მთას შეფარებული ქართული სულიც...“ (კოტეტიშვილი, 1988: 441).

ალექსანდრე ყაზბეგის დასახელებული ლექსები ერთად იმიტომ მოვაკციეთ, რომ სათქმელი ერთია – სიყვარულის მოაზრება ავტორის მიერ. ღმერთის სიყვარული, პოეტის სიტყვით რომ ვთქვათ, „ტრფიალი“, ლექსში „მნელია“, ადამიანს წუთისოფლის მწუხარებას, მისგან მიყენებულ ჭრილობებსა და მძიმე განცდებს დააძლევინებს; თითქოსდა სიყვარულის ირგვლივ იყრის თავს კველა ის მწარე რეალობა, რომელიც მოიცავს ადამიანის ცხოვრების თანამდევ განცდებს, სიხარულს და მწუხარებას, ნათელს და სიბნელეს, უძმედობას და იმედს, არსებობის რწმენას, სიცოცხლისა და სიკვდილის ღირებულებებს... თითოეული მათგანის გათავისება კვლავ და კვლავ ღმერთისაგან მომდინარე სიყვარულის წყალობით არის შესაძლებელი, მხოლოდ ამგვარად შეიძლება გამოვლინდეს სამყაროს და ადამიანის ცხოვრების არსი და დანიშნულება; ყოველივე ზემოთქმული, ალექსანდრე ყაზბეგის პოეზიას ამაღლებულ განწყობილებას და ღრმა შინაარსს სძენს.

ალექსანდრე ყაზბეგის ლექსი „ტრფილი“ გამოხატავს ღმერთის სიყვარულთან ზიარებას, სევდა-მწუხარების დასაძლევად. თამამად შეიძლება ითქვას, რომ ამ ლექსში ღმერთისადმი

უსაზღვრო სიყვარული მაღალ რეგისტრში, უმაღლეს მწვერვალზეა აყვანილი, როგორც თავად ღმერთი („ღმერთი სიყვარული არს“ - იოანე მახარებელი). ნათქვამის ნათელსაყოფად საჭიროდ მიმაჩნია დასახელებული ლექსის ორივე სტროფის დამოწმება:

„რას მერჩი, რისთვის მაწვალებ,
რისთვის მექცევი მწვავადა?
რად მჩაგრავ, გულსა რად მიკლავ,
მზეს რად მიბნელებ შავადა?“

რისთვის არ გჯერა? ცას ვფიცავ
რომ შენგანა გარ ავადა!

რა რიგ მიყვარდი, ოპ, ღმერთო!

გერ გეტყი... მიხვდი თავადა“ (ყაზბეგი, 1949: 69).

ავტორი თითქოს არ უმხელს გულის საიდუმლოს, რადგან ეშინია, შესავერისად ვერ გამოხატოს სათქმელი, რადგან რილი, კრძალვა, შიში, სიყვარული აქვს ღმერთისადმი და ვაითუ სათანადოდ ვერ გამოთქვას ის დიადი გრძნობა, რომელიც მისადმი აქვს შემოქმედს. გულთამხილავ ღმერთს კი შეუძლია დაინახოს, შეიცნოს და ამოკითხოს ის სიყვარული, რომელიც არსებობს მის მიერ ქმნილი ადამიანის სულიერ სამყაროში.

ჩვენ მიერ მოტანილი ლექსის სტრიქონებში თითქოს ჩანს, რომ ავტორს პგონია ღმერთი მის მიერ გაჩენილს აწვალებს და ტანჯავს (აქ აღორძინების ეპოქის „წუთისოფლის მდურვა“ ირეკლება და სხვაგანაც კვლავ გამოვლინდება ალ. ყაზბეგთან), მკაცრად და მწვავედ ექცევა, ჩაგრავს და გულს უკლავს, მზის სინათლეს შავად, ბნელად და გაურკვევლობად უქცევს. ეს ყოველივე კი წუთისოფლისგან მოწეული ხვედრია მოკვდავი ადამიანის თავზე, რადგან ცოდვა, სიავე და სიბნელე თავად ადამიანმა დაამკვიდრა საკუთარ მოკვდავ ბუნებაში და სწრაფუარმავალ წუთისოფლებში; ავტორი, უფრო დამაჯერებელი რომ გახადოს თავისი სათქმელი და გამოხატოს არდავიწყებული და ღრმა სიყვარული უზენაესისადმი, ფიცითაც კი მიმართავს ღმერთს და შეახსენებს შემოქმედს და შემწეს, რომ დამის ავად გახდა, თითქოსდა სიყვარულის მოკლების გამო, თუმცა უნდა შევნიშნოთ, რომ თვითონ ადამიანი დაშორდა უზენაესის სიყვარულს ცოდვის გაბატონების გამო, მაგრამ, მიუხედავად ამისა, ღმერთი ადამიანს არასოდეს მიატოვებს, რაც უნდა ცოდვებით დამძიმებული იყოს, - ვკითხულობთ

ერთ-ერთ ფსალმუნში (ფს. 8, 4-6), – ე. ი. მასში გამოხატული აზრის თანახმად, დმერთი ადამიანს სიყვარულს არ აკლებს, რადგან დმერთმა უწყის, რომ მოკვდავს სავალ გზას მხოლოდ მისი სიყვარული, საოქამა, რწმენა უაღვილებს და უმსუბუქებს; ადამიანთა სიყვარულისათვის, მთელი კაცობრიობის ცოდვები სათვის ეწამდა იქსო ქრისტე, ეწამდა სწორედ ადამიანთა სიყვარულის გამო. „მან სული თჯის ჩუქნოუს დადვა და ჩუქნცა თანაგუაც ძმათათუს სულთა ჩუქნთა დადებაა” (I იოან. 3, 16); დმერთისადმი სიყვარული ადამიანმა უნდა დაამტკიცოს მოყვასისადმი სიყვარულით. იქსო ქრისტემ დაუბარა თავის მოწაფეებს: „რამეთუ ესე არს მცნებად ჩემი, რათა იყუარებოდით ურთიერთას, ვითარცა მე შეგიყუარენ თქუენ” (იოან. 15, 12). სიყვარულის მცნების დაცვის მოწოდება და გათავისება არა ერთ პაგიოგრაფიულ თუ სხვა ჟანრის ძეგლში დასტურდება. აქვე შევნიშნავთ, რომ, ქრისტიანული მოძღვრების მიხედვით, სიყვარული უნდა არსებობდეს მტრის მიმართაც: „არამედ თქუენ გამტყა, რომელთა ეგე გესმის: გიყუარდედ მტერნი თქუენი და კეთილსა უყოფდით მოძულეთა თქუენთა. და აკურთხევდით მწყევართა თქუენთა და ილოცევდით მათთვეს, რომელიც გმძლავრობენ თქუენ” (ლუკა, 6, 27-28).

ალექსანდრე ყაზბეგის შემოქმედებაში ასახული სიყვარული ქრისტიანული სიყვარულის არსის ანარეკლია. ავტორი ამ პრობლემის წამოჭრისა და ნააზრევის გადმოცემისას საფუძველს უთუოდ ბიბლიაში, წმიდა წერილში პპოვებს და მის კვალდაკვალ გვაწვდის საკუთარ ხედვას სიყვარულის არსისა და რაობის წარმოჩენისას, ე. ი. სიყვარულის გააზრებისას ალ. ყაზბეგის მსოფლმხედველობა ბიბლიურ-ქრისტიანულია.

ალექსანდრე ყაზბეგი სიყვარულის თემაზე დაწერილ მეორე ლექსში „მხელია” თითქოს აგრძელებს იმ მწუხარებისა, სატკივარის ჩვენებას, რაც დმერთის სიყვარულის წვდომასთან, მის ტკივილიან განცდასთანაა დაკავშირებული. დასახელებულ ლექსში ნათლად იგრძნობა ავტორის სწრაფვა, სურვილი მის-წვდეს დმერთის სიყვარულს, მაგრამ ეს რთულია და თითქმის შეუძლებელი, ამიტომ არ უნდა მისი სიყვარული დაივიწყოს, რათა მასთან სიახლოვე განხორციელდეს; დმერთისადმი სიყვარულის ნდომას ავტორი „ტრფიალის წადილით „დაბნელილი“, როგორც თავად წერს, განსაკუთრებული სიყვარულით, მაგრამ დიდი ტკივილის სანაცვლოდ მიიღწევა:

„ძნელია, როცა სანდომსა
ხედავ და ვერა სწვდებიო!
მასთან ტრუიალის წადილით,
გმინავ და პკგნესავ, ბნდებიო!” (ყაზბეგი, 1949: 69).

ალექსანდრე ყაზბეგის ტრუიალის ობიექტი არის ღმერთი, რომლის მოსაძიებლად და მასთან დასაახლოებლად ყოველ-გვარ გასაჭირს დასძლევს, რადგან ავტორისთვის ცნობილია, რომ ტრუიალის ობიექტთან მიახლოება მხოლოდ ამქვექნიური ცოდვების გადალახვით და დაძლევით იქნება შესაძლებელი; ამის შემდეგ იქნება შესაძლებელი მოკვდავის ცოდვით დამძიმებული სულის კათარზისი, რაც სიმბოლურად გამოიხატება იმ გზის გავლაში, რომელიც მიემართება უფლის სულიერად საწვდომად:

„ფიქრობ დღეს ნახავ, აქცდება
და წმინდა სანთლად სდნებიო!
სულომობრძავს დამგზავსებული
არც სცოცხლობ, აღარც კვდებიო!” (ყაზბეგი, 1949:70),

– კითხულობთ ლექსის მეორე სტროფში.

აღნიშნული სტრიქონების მიხედვით, ავტორს სურვილი აქვს ყოველდღე იხილოს ღმერთი, ანდა სიახლოვე იგრძნოს მაინც, მაგრამ ვერც იხილავს და ვერც მიუახლოვდები, თუნდაც სანთლივით წვა გამოიხატოს მოკვდავის მხრიდან და სანთლივით აალდე, ეს მხოლოდ მისკენ სწრაფვის სურვილის გამოხატულებაა, მიახლოების წადილია... ასეთ მდგომარეობაში მყოფი მოკვდავი სულომობრძავს ემსგავსება, რაც გამოხატავს მყოფობის რადაც ზღვარზე ყოფნას – წუთისოფელი – სასუფეველი, სიცოცხლე – სიკვდილი, რომელიც მეორე მარადიული, სულიერი სიცოცხლის დასაწყისია; ეს თვალსაზრისი მსჯვალავს საანალიზო სტროფის ბოლო სტრიქონს და ეგმიანება ზემოთ განხილული ლექსის „წერილი” სტრიქონებში გაცხადებულ სულისკვეთებას და ჩვენ მიერ გამოთქმულ თვალსაზრისს იმის თაობაზე, რომ ღმერთის სიყვარულით მიიღწევა წუთისოფელის, როგორც ამაოების, დაძლევა და სასუფევლის დამჯგდრება: „რამეთუ ესრეთ შეიუფარა ღმერთმან სოფელი ესე, ვითარმედ ძეცა თუსი მხოლოდ-შობილი მოსცა მას, რათა ყოველსა რომელსა ჰრწმენეს იგი, არა წარწყმდეს, არამედ აქუნდეს ცხორებად საუკუნოდ” (იოან. 3, 16).

სიყვარულის თემაზე დაწერილ ლექსთა რკალში, მიმაჩნია, უნდა მოექცეს ალექსანდრე ყაზბეგის მორიგი ლექსიც „შენ,

“შემოქმედო”, რომელიც, უპირველესად, ლოცვის შინაარსითაა აღვხილი და მის სტრიქონებში ღმერთისადმი ვედრება და თხოვნაა ჩადებული. ამ სავედრებელში, რა თქმა უნდა, უზენაესის სიყვარული არის ჩატვიფრული, რადგან ის არის მოკვდავთა შემწე, რაც ამ უზენაესი გრძნობიდან გამომდინარე ხდება; დასახელებულ ლექსში ავტორი ღმერთს სთხოვს, თავისი სიყვარული არ მოაკლოს უძლურ ადამიანს, აღადგინოს – ცოდვების შემსუბუქებაში თანაშეეწიოს. აგრეთვე, პოეტი ღმერთს თანაშეეწევნას სთხოვს სამშობლოსათვის:

„...აწ უძლურს უთხარ – აღსდეგინ,

დასტკბი და გაისარეო” (ყაზბეგი, 1949: 10),

მაგრამ არა მხოლოდ ადამიანმა უნდა უპასუხოს ღმერთს სიყვარულზე, არამედ ნებისმიერმა სულდგმულმა:

„ბულბულო, ტკბილად დაჟყევე;

ქვეყნად გაშუქდი, მთვარეო;

ვარდო, კოკობო, ნამცვრევო,

სატრფოსაქნ გადიხარეო” (ყაზბეგი, 1949: 10).

პოეტს იმედი აქვს, რომ ღმერთი სიყვარულს არ მოაკლებს მის მიერ შექმნილ და კეთილზე დაფუძნებულ ქვეყანას, კვლავ კეთილზე დაამყარებს მას და კეთილზე დაამყარებს:

„ოღონდაც ჩვენი ქვეყანა

კეთილზე დაამყარეო –

და მაშინ თუნდა იმ წუთში

გულს მიწა მომაყარეო!” (ყაზბეგი, 1949: 10).

შემოქმედი მზად არის ღმერთის სიყვარულს და მის თანადგომა-შექმნებას თავიც კი უძლებნას, ოღონდ ქვეყანა კარგად დატოვოს, თუნდაც გულზე მიწა მიაყარონ და სიკვდილითაც კი შეეწიოს უზენაესს.

ამდენად, საღვთო სიყვარული მოიპოვება ამქვეყნიური ვნებების დაძლევით და ალექსანდრე ყაზბეგიც, როგორც შემოქმედი და როგორც ცოდვილი ადამიანი, ღმერთთან საუბრით და მასთან ზიარებით ცდილობს ღმერთთან მიახლოებას და იმ სულიერი გზის გავლას, რომელიც საიდუმლოა, მიუწვდომელია. ალექსანდრე ყაზბეგის სიყვარულის თემაზე დაწერილი ლექსებიდან მთავარია ამოკითხულ იქნას ერთი აუცილებელი რამ: ადამიანისათვის მთავარი ჭეშმარიტება ღმერთის სიყვარულია, რომელიც ითავსებს ყოველივე მიწიერს – წარმავალს, ყოველგვარ ჭეშმარიტ არსობას, მარადიულობას და მას უკვდავებას სძენს.

გამოყენებული ლიტერატურა:

კაზბეგი, 1949 – კაზბეგი ალ., ოხულებათა სრული კრებული, ტ. III, თბ., 1949.

ახალი აღთქუმავ, 1963 – ახალი აღთქუმავ, საკათალიკოსო საბჭოს გამოცემა, თბ., 1963.

კოტებიშვილი, 1988 – კოტებიშვილი ვ., ალექსანდრე კაზბეგი, წიგნში: ცხოვრება ალექსანდრე კაზბეგისა, თბ., 1988.

ქიქოძე, 1958 – ქიქოძე გ., ეტიუდები და პორტრეტები, მეორე შევსებული და შესწორებული გამოცემა, თბ., 1958.

Dali Betkhoshvili

FOR COMPREHEND OF LOVE ALEKSANDRE KHAZBEGY'S POETRY

(„the letter“ „it's difficult“ „you are creator“)

Summary

There are love of GOD, love of man, love of mother country in Aleksandre Khazbegy' poetry. With is filled with tragically content.

In Aleksandre Khazbegy's verse is written subject of love and there is one main idea:

The first truth for man is love of GOD, which is of the world and it gives eternity.